



Sön le ciamp lorënt a La Val mëss la squadra da La Val se asuié le punt cuntra le Gsies, che ti à basté por jì ales partidas de dezijiun.

Do en scomenciamënt de retöda nia propi di miûs, s'á i ladins refat tles ultimes partidas de campionat, davagnan cotan de punc che ti à pormetü de arpizé les posiziuns de tlassifica cina le secundo post. Ala fin al ma plö mancé un en punt, che à assicuré la posiziun y en post pro les partidas de dezijiun.

Jun daimpró ia cun l'ultima partida de campionat. Le Gsies, ruvé adalerch a La Val, à mostré püces deblëzes y à lascé udëi ince en bel jüch. I patruns de ciasa ne à deperpo nia anuzé les püces ocajiuns conzedüdes por jì in vantaje. Al 10^a vëgn la defenjiun dl Gsies taiada fora cun

na passaja dal mezciamp, le palé rōia a Marco S. che se presentēia bel su dan le portier, la trata é indere debła y zentrala. Tles ripartēzēs é l'avarsar plō sterch, la formaziun ladina é posizionada mal te ciamp y se fej sciampé saurí le sogadú. Plō d'intan ne é le palé aversar nia en prigo por i ladins. Al 25[^] controlēia Samuel W. le palé al limit y fej pié ia na trata alta, le portier deloj cun la piza di dēic te ciantun. I sogadusc é contēnc de aldì le sciür dla fin dl pröm tēmp y jí insciö tla palsa a trà le flé y a se renfresché por se paré dal gran cialt.

Le pröm tēmp se stlūj jö sön le le 0-0.

Al 55[^] é le sogadù amez Christian che á l'ocajiun de sblochē la partida sön le pé, al vëgn sorví cun na rebatüda alta y rōia sú dan le un dl Gsies, al chir fora le pé bass daulà tra le palé, le portier é indere asvelt y capēsc la direziun dl palé. Amez le secundo tēmp é spo le Gsies che pēia ia cun gran druch, al 70[^] é l'atacant che ti sciampa bēgn a trēi sogadus y rōia sú dan porta, por fortüna é la trata debła y Sepl sciafia de paré cun i pügns. Ciamó en iade é La Val che pro cuntra porta, la crossada al 80[^] rōia avisa sön le cé de Adrian sú dan le portier, le palé rebatü é indere chēsc iade massa alt y rōia sura la stangia de porta fora. I sogadus sfinis dal cialt ne é nia plō bogn de costruì le jüch y mēss se retrà ti ultims menüc a defēnn. La Val tēgn bót inant al Gsies y arjunj insciö cun le sciür dl'arbiter le punt che basta por confermé le secundo post de tlassifica. Incö vëndres vëgnel sughé les finales de Copa Provinzia, che determinarà l'andamēnt y i acopiamēnc por les partidas de dezijiun.

De gran complimēnc ti va a düta la squadra y a sò alenadù Gerhard, por l'impēgn desmostrè y por i bì resultač portà a cíasa. Na gran reaziun tles ultims partidas che ti à porté le secundo post. Ma insciö inant!!

La Val – Gsiesertal 0-0

Formaziun La Val: 1. Josef Kantioler, 2. Luca Pescollderung (dal 80^a Martin Ploner), 3. Werner Sottara, 4. Paolo Vallazza, 5. Marco Castlunger, 6. Christian Dapoz, 7. Marco Sottara (dal 70^a Michele Campeï), 8. Max Nagler, 9. Samuel Winkler (dal 75^a Felix Nagler), 10. Stefan Sottara - capitan, 11. Alexander Miribung (dal 75^a Adrian Miribung)

Proscima partida: Dé y orar dles partides de dezijiun gnarà publicà plö inant sön la plata dl'U.S. La Val/Facebook

Atri resultac:

Altherren (La Val): La Val – Welsberg 3-1

Juniores (Val Badia): Val Badia – Natz: 1-3

Allievi (La Val): La Val – Hochpustertal: 0-1

Giovanissimi (La Val): Mareo – La Val: 2-1